

福建府縣志輯

中國地方志集成

乾隆泉州府志(三)

乾隆泉州府志(三)

(清)

懷蔭布修
黃任纂
郭賡武



圖書在版編目(CIP)數據

中國地方志集成. 福建府縣志輯. 24, 乾隆泉州府志.
3 / 上海書店出版社編. - 上海: 上海書店出版社,
2000. 10
ISBN 7-80622-424-6

I. 中... II. 上... III. ①地方志-中國②地方志-
福建-泉州市 IV. K29

中國版本圖書館 CIP 數據核字 (2000) 第 27747 號

泉州府志卷之五十二

仕蹟

宋仕蹟

崔拱

正則 麗則

宋宜

石廣

元教

林斐

蘇玘

許當

胡惕

王炳

儲敦叙

溫草

陳球

王寅

泉州府志

卷之五十二

宋仕蹟

郭巖隱

李文會

楊宏才

蔡義可

黃願言

蘇洸

陳豐登

蔡忌

楊景中

趙不慮

陳世德

薛純儒

劉孟虎

吳困

邱迺嘉

羅知古

留元長

楊伯安

李茂先

王南一

留丙

留鑑

梁椿選

陳應靈

石元

唐夢斧 夢震

楊中立

趙肇之

崔拱字賓王惠安人端拱二年進士居官廉謹不爲表襮以峙聲譽歷著作郎至太常丞子正則麗則俱登進士有辭藻拱嘗與二子讀書龍山之陽及父子相繼登第鄉人因名其山曰登龍峯麗則子宋臣黃臣皆進士

泉州府志

卷之五十二

宋仕蹟

宋志

宋宜同安人天聖八年進士以便親簽判本州治平中除

太常少卿熙寧初知漳州宜有文行爲州里所推及卒

朝廷遣人禮葬元祐中劉康夫作脩學記稱其行事全

乎人理 舊志參閱書

石廣字聲叔同安人皇祐元年進士累遷大理寺丞事

石奇其文薦之以議新法不合遷審官院旋外補歷

南提點刑獄廣西轉運判官廣子元教爲泉州長史

貲市書以田畀浮屠氏其後六子皆入仕爲甲族從弟

再從姪孫起宗

高志參
開書

林斐字彥忱同安人元豐八年進士嘗判沂州以行河勞

賞驛還郡守部使者擢大府少卿有詩文行于世

舊志

蘇玘字訓直同安人以恩薦將仕郎調嚴州遂安尉擢為

尚書吏部郎中屬文有體制筆法簡遠其尺牘尤為時

所珍愛往往藏去

渭南集

許當字當時晉江人知古田入為職方員外乞通判本州

以便養後守興化漳建二州益有惠政當能詩與歐陽

永叔梅聖俞相善在古田有桃溪五詠陶寫風物之美

泉州府志

卷之五十二

宋仕蹟

三

閩書

胡惕字時甫惠安人紹聖元年登第刻志力學知開封縣

歷倉部郎出知漳州公清得民

閩書

王炳字景文南安人紹聖四年進士娶呂惠卿姪女避呂

十年不調中為沐陽令秩滿入京蔡京當國以不往見

左授海陵丞後附京者皆諱炳獨全通判潮州改知汀

州奉祠卒孫侃

舊志

儲敦叙字彥倫晉江人崇寧五年第進士丞永福龍溪宰

軍德皆清真自持有惠政軍德民為立祠性閑退奉祠

館十年通判賀州秩滿復請祠居里徧觀佛書多即高

僧遊與李邵相友善歷官三十餘年屋廬田畝不增于

舊著有詩文號玉泉集

舊志參閩書
寧德縣志

溫草字叔皮惠安人唐尚書仁儼孫政和五年進士初名

豫後恥與偽齊劉豫同改今名歷官秘書郎紹興初被

命使江南脩山陵歸奏以實語甚憤激高宗為泣下忤

秦檜意出守延平刊五嶽真形圖于郡治復守漳州甚

得民譽終福建轉運使

舊志參閩書

陳球晉江人政和五年進士授羅源知縣建炎戊申公宇

泉州府志

卷之五十二

宋仕蹟

四

遭兵火于燬燼之餘竭力鼎新後人賴焉

羅源縣志

王寅字季達晉江人進太學大觀初蔡京當國寅與同舍

生陳朝老等上書言之坐遷自訟齋十餘年宣和三年

以特奏名補官尋辭歸嘗有詩云耕田博飯未為辱為

米折腰真可憐高臥北窗風颭至更於何處覓神僊

舊志

郭巖隱字石菴同安人靖康二年由明經舉孝廉任都轉

運使歷粵東節度使朱子簿同時式其廬卒為葬松山

巖下題其墓曰安樂窩

同安志

李文會字端友惠安人建炎二年進士歷官殿中侍御史

至權參知政事後調筠州徙江州注金剛經撰三教通

論居十年晏如也起知遂寧徙瀘南荆潭一帥改知成

都府在瀘南日所著有中興十要

陸慶志

楊宏才字稗遷晉江人紹興五年進士調龍溪尉獲盜法

應改秩不願就用薦者陞改累階朝奉大夫晚年奉祠

居里號癩真居士卒年七十有五有覆瓿集一十卷

舊志

蔡義可惠安人能誦唐詩不遺一字紹興五年特奏名

年七十四任邕州判官至八十四歸時人異之

閩書

黃顯言字宋臣惠安人少有場屋聲紹興十二年登第仕

泉州府志

卷之五十二

宋仕蹟

五

止德慶推官姪孫學行

閩書

蘇沈字澄老泉州人歷通判賓州時張南軒拔爲帥以廉

吏薦除知雷州

廣西通志

陳豐字元齡晉江人紹興十八年進士豐少有文名銓闈

曠漕俱魁選兩試詞科提轄文思院會言者計費輟造

勅緘偽告日滋豐白起部謂所較者小所害者大因請

復舊第登于開俱見選舉志登字元龍有文名字畫尤

精與守王十朋相友善

舊志

蔡忌字誠叟晉江人蚤有文名賜冠預鄉薦登紹興二十

一年進士尉莆田職事外篤於文學莆名公皆與定交

校文三山發策選深與選多名勝士論咸服再調化州

教授隆興初名聞中朝陳正獻黃端明王尚書競爲剡

薦甫改秩而終姪次傳

舊志

楊景申字夢符安溪人紹興二十四年特奏名仕湖北帥

幙工詩文有鳳山集

閩書

趙不應字子容宋太宗六世孫知義郡王士瑋子也紹興

移蹕屬籍南外宗正寺遂爲晉江人補率府率積階刺

史知南外宗正事訓淑宗黨寬嚴中劑檢扼自其子弟

泉州府志

卷之五十二

宋仕蹟

六

始弗率者皆畏憚之無敢干以私復知西外奉祠終弟

不慢

舊志

陳世德字景申惠安人祖大猷崇寧二年試中春官卒于

京世德少穎悟懇訥刻苦爲學文辭典實以辭賦占鄉

貢第二乾道八年特奏名主莆田簿老成練達郡守林

黃中深知之兩檄攝縣莆人號爲佛子再調惠州錄事

有詩號瓊野集

舊志

薛純儒字季舒晉江人

一作安溪

紹熙元年進士以詩學遊上

庠任南海尉以官改秩知歸善歷官通判廉州

陸慶志

劉孟虎字質甫同安人紹熙四年進士有敏歷之才歷廣

東運司主管文字從臣交薦入爲太學錄選博士宗正

寺簿終通判興化軍

閩書卷
降慶志

吳困字子默晉江人達老姪孫登慶元丙辰第宰邑以最

聞主管臨安府北廂擢將作監丞知泰州提舉淮東鹽

事鈞稽精密歲課增羨召還以言者罷寓居衢州卒

通志

邱昶嘉安溪人嘉泰二年登第仕大理卿邑人立祠講堂

東與余克濟金祀

閩書

泉州府志

卷之五十二 宋仕蹟

七

羅知古字子隆晉江人有名鄉校開禧元年進士知建安

縣通判興化軍居官以廉平稱

舊志

留元長晉江人碩子爲人謹重歷會新建全三州在全請

于督府免徵費旁郡擢大府丞知撫州改汀州卒

閩書

楊伯安字仁叟晉江人友姪嘉定七年進士仕同安主簿

樸素敦厚動遵法度急義好施言不妄發見豪右爭相

雄長輒急流勇退杜門不出杯酒自娛李竹湖嘉其才

學足爲後人矜式

閩家傳

李茂先晉江人紹定六年教授南恩州真文忠爲文送之

、稱其爲人金玉又言其父昉先亦教授南恩皆荒服所

宗

閩書

王南一號桂軒同安人紹定間擢兩科第以國子博士知

漳州洪天錫扁其坊曰兩科太守

同安志

留內字南仲晉江人正次子歷知宜梅潮三州仁禁海賈

勿通聞婆以防洩銀入監登聞檢院遷司農寺丞倉部

郎中知常德府撫州卒子元治主管南外睦宗院元均

通判惠州

閩書

留鑑字端父晉江人正第三子端厚有度正諸子鑑最賢

泉州府志

卷之五十二 宋仕蹟

八

歷知邵州奏蠲和糶入爲司農寺丞使金察其勢必亡

歸陳備邊五策除度支郎提點湖南江西刑獄移知廣

州請鬻小鈔以弭鹽寇端平中除直龍圖閣奉祠卒初

姪元剛嘗欲建義塾不遂後鑑撥其遺業三之一建義

庄贈鄂公直下諸孫之貧者子元圭元英元崇

舊志卷
閩書

梁椿選晉江人以省試經魁登淳祐元年進士有文學之

譽歷官通守正言官居安溪作湖山書院學者多從之

游

閩書

陳應雷安溪人以省試第一人淳祐十年登第仕循州教

授有文學

書

石元同安人朱時爲國子監助教生六子皆仕爲甲族時

有長子令寅仲英家邑東其後炳爲職方郎中有東黃

西石之號

同安志

唐李斧安溪人授同安主學改脩職郎陞鬱林州司戶胞

弟夢震由選貢授湖州教授時有兄弟聯芳之譽

安溪志

楊中立字南強晉江人林弟知龍巖縣有惠政

閩書

趙登之字子固晉江人知閩清縣有善政民德之召爲軍

器監丞僉大理寺丞知南外宗正寺事有寄庵集

八閩通志

泉州府志

卷之五十二

朱仕蹟

九

明仕蹟一

傅仁孚

彭用乾

洪鐘

諸葛文

陳福山

何安

張祖

朱庚

羅閏

葉禎

蘇觀

王彥英

林賢生

張寬

鄭滿

洪顯

陳時敏

張曄

黃寧

陳初

林玉

徐貴

陳亮

彭麟

張苗

楊渤

林琚

陳暉

朱璠

葉錄

葉蕩

楊舜

吳璽

劉捲

泉州府志

卷之五十二

明仕蹟

十

李貫

陳謙

莊琦

柯信

黃綬

李亮

莊安期

徐廷輔

吳申

張良賢

蔡瀚

陳煒

陳煌

楊孟洪

黃驥

李堪

項思

黃良弼

高鳳山

莊榮

郭聰

陳恆遜

張懷

張惟康

謝藻

黃椿

邱禎

蔡煥

傅仁孚字志及南安人幼嗜學通春秋三傳旁及羣經洪

武初爲郡諸生聲稱籍然辟授本縣學訓導解經課業

具有成式滿考授嵩縣訓導調潮州陞泰興教諭所至

多士景從仁孚諸兄蚤世撫教其孤如已子性質直不

泉州府志

卷之五十二

明仕蹟

士

輕可否儉樸自將毫無苟取謂士惟利是趨孰若清貧

之遂吾志與時不合解任赴京會臬司方直其冤竟卒

於京年六十五族子凱

閩書彙編
月山房稿

彭用乾同安人會心正學耕讀教授洪武十四年令方子

中以孝弟力田薦授臨朐丞復除光息調徐聞有惠政

擢知其縣清苦不以家累自隨卒官年二十九其甥負

骨歸葬焉

閩書彙編
同安志

洪鐘字希聲號猗江惠安人謙恭孝友善楷書洪武中以

明經薦授安溪訓導有興學作人功九載致仕刻孝經

刊誤以教子孫治喪不用浮屠子沂字思點洪武中以

貢授歸州學正歷德慶和州二學曾孫炬縣從事至

太僕寺丞炬子安安姪謨謨從姪孔賜俱應貢安新興

丞謨寧鄉訓導孔賜興寧訓導孔賜子輔隆嘉靖戊子

鄉薦孔賜姪進隆

閩書彙編
惠安志○按清源文獻芝園
摘稿載有洪錫其出身事實皆同考

惠安志
後更名未可知
錫載以備參考

諸葛文字孟文晉江人洪武二十二年以稅戶人材舉補

太學生歷汾西泗水靖安安福四縣典史勤恤民隱莅

政廉平居安福八年秩滿民遮留數千事聞擢御史以

泉州府志

卷之五十二

明仕蹟

士

老疾力辭歸杜門不出凡二十年而終族子隆

閩書

陳福山同安人洪武癸酉甲戌聯第進士令零陵奏蠲無

徵稅千餘石永樂丙戌較文廣東丁亥徵入纂脩大典

後改江山縣訓導陞龍水教諭

閩書

何安字叔恭晉江人通毛詩春秋二經爲文溫清瑩領

洪武丙子鄉薦授開建教諭明初邑學無士中選被謫

坐改江山訓導自江山奔母喪歸既除服涕出若初喪

閩書

張祖字彥宗以字行惠安人十三歲父祖繼殯獨奉母以

居洪武收元閩中法令嚴覈繩吏之法尤峻憚應役者邀祖斬右大指以自紕祖疑之入白母母曰法可避指斬不可復續盍去諸途避匿未幾斬指事覺詔逮捕成邊犯者言張某始與其輩約如此遠久弗獲會天變驟赦乃歸室中空虛至繫馬檻牛毀斗桶爲薪念非力學無以樹門戶於是折節習儒業是時詔民田八頃以上家擇子若孫一人爲吏縣檄至祖應弗受執卷奮曰吾而吏耶令白按察司復檄祖往固弗受如縣使者熟視之曰君我輩中人也母辱於縣遂挾以去祖既通儒術

泉州府志

卷之五十二

明仕蹟

三

龔曉九章美法時方行方田之令卽以其事屬之文案盈几祖精勤不舍晝夜櫛理而鉛畫之皆有緒可按據嘗言閩中田土一則太畧九則又太繁皆不能無弊當定爲上中下三則然後詳畧得中時不能盡用其言建文時祖以憲史至都考入格留爲吏部史未幾雲南布政張公執召入爲尙書於屬吏多所更易獨言張某老成守法不易也時惠宗方與方孝孺輩講求古治經濟之事多變太祖舊章奏曰下吏部祖密言於統曰高皇帝起布衣有天下立法創制規模遠矣爲治當責實

效今法制已定日有變更未必勝於舊徒使異議者以爲口實盍先其急者統深然之而奪於羣議不能用會添設京衛知事一員佐經歷理刑名詔吏部選可者統曰無逾祖矣授留守知事及靖難師渡江以知事非舊制例出爲縣丞祖得湖之安吉統被譴自經昇尸歸屬吏無敢往視祖獨往經理其殯殮畢哭奠而去時人義之安吉在萬山中與椒池寧國接壤向多逋民隱田不以自實財賦甚少祖至官清勤自持敬禮賢士大夫與講究磨勵在職九年稽覈財賦脩築陂塘圩岸不可勝

泉州府志

卷之五十二

明仕蹟

四

計逋民隱田者令以占籍輸稅免其罪聲稱著聞以最薦陞湖廣按察司經歷行至吳橋卒惟一子扶喪歸子頗孫茂曾孫綸

小山類稿集

朱庚晉江人永樂初貢士歷官戶部員外郎居官清謹

閩書

羅閩晉江人永樂甲午乙未聯第進士擢監察御史持公

守法薦陞廣東副使卒于官

前明一統志

葉禎字履祥惠安人永樂丁酉舉人訓導高州秩滿以母

老乞就養改泉州九年陞順義教諭有才思能文

閩書

蘇觀字民瞻惠安人永樂丁酉舉人正統初令遂溪九年

勸農興學節番安靜陸南昌通判致仕孫興典史

書

王彥英晉江人永樂丁酉戊戌聯第進士授行人陞吏部

員外郎持已端慎能聲著聞遷山西布政參議卒于官

閩書系前
明一統志

林賢生字朝垣同安人永樂十八年舉賢良方正赴京以

鹽戶單丁陳情詔授程鄉知縣縣人誦曰林公如虎軍

民安堵與巡按相左告歸結廬斗仰巖與友人葉文勤

窮孔釋號隱谿松泉

閩書系
同安志

張寬晉江人永樂中以貢士授上高典史愛民切至廉潔

泉州府志

卷之五十二

明仕蹟

五

自誓曰惟蔬食布衣嘗董營造之役雖百千夫無一敢

後邑人懷之

閩書

鄭滿惠安人永樂閒貢士宣德中知五河縣脩舉廢墜善

撫其民

閩書

洪顯字懷德南安人宣德丙午舉人任合州學正操行端

整善誨生徒陞蜀府教授王喜其學問該博輔導有方

表爲長史

閩書

陳時敏字思愍南安人宣德乙卯舉人任彭澤教諭工真

草書文詞敏贍時輩推重

閩書

張曉字文煥惠安人宣德乙卯舉人教諭涵川沛二縣曉

天文兵律之學

閩書

黃寧晉江人宣德乙卯舉人任通州學正教人有法兩典

文衡取士皆得人

通志

陳初晉江人安孫有學行任清江海豐教諭學者稱古直

先生曾孫詔

閩書

林玉字廷珪惠安人少失怙事母至孝由庠生應正統十

年貢入太學以母老乞歸侍養二十餘年母沒乃復監

成化三年授廣信推官小心敬慎折獄明允後致仕歸

泉州府志

卷之五十二

明仕蹟

六

家貧教授生徒自給不肯毫髮干求於人邑令有知其

貧欲周之玉謝絕不受其介如此卒年八十二諡章侍

郎王一夔嘗以仁孝君子稱之

舊志系
閩書

徐貴南安人永樂閒貢正統中知毫縣公廉得民心秩滿

毫民奏留復知縣事

閩書

陳亮字孔明晉江人景泰庚午舉人授羅源訓導陞內黃

教諭秩滿乞終養不出文學行誼一時推重太守高越

延脩郡志年八十三卒裔孫鴻猷守其家法亦以樂義

爲有司所獎

彭縣字廷瑞南安人景泰庚午舉人任龍川教諭善屬文
尤工古作人傳誦之

書

張衡字世英號實齋同安人成化丁亥以楷書精妙擢中
書舍人癸巳脩通鑑綱目成遷大理寺評事壬寅進御
覽小楷綱目超拜太常寺丞旋加少卿又以叔敏係嗣
孝廟功推恩進太常寺卿尋改南京通政使乞休歸與
蔡觀慧顧美等十七人爲遷樂會蔡清爲文記之弘治
乙丑晉階二品子定宏治庚戌進士宣宏治辛酉亞魁
榜渤字德濟號竹軒晉江人贈景孫與子少有異質昂藏

泉州府志

卷之五十二

人物

七

獨立無嬖姁態義所當爲奮身不顧治尙書尤篤志春
秋殫精攻習夜不就寢成化戊子舉人授寧波府訓導
遷南京國子監學錄擬除僉事未下卒朝命以渤祖孫
父子皆文章顯著賜奎章二字建坊於南街祠右後被
毀僅存舊址卽今奎章里也所著有竹軒詩文集前家傳
林瑒字朝玉號樸菴晉江人成化癸卯舉人授建昌訓導
以易學指授諸生多所造就遷寧海教諭連丁內外艱
起補嘉魚等陞建昌教授生徒喜沾舊雨益爭濯磨五
載進益王府紀善王雅重之講論多所師資繼力求歸

祭王重達其意許焉居無何命長史移文起之報曰願

終餘年門人夏良勝秉銓曹復致書勸駕瑒亟辭之家

居接人無遠色妄言祿餘分給宗族郡邑長禮致鄉飲

首賓日與故老爲耆英會年七十六卒瑒好仁慕義嘉

魚同官閭忠不攜卒之官疾篤爲躬調湯藥宵夜暑雨

不憚勞及歿捐資殯殮驛召其子賻之歸建昌諸生鍾

祐貧寡育而課之及食餼攜婦簪珥欲相酬笑曰吾課

子爲簪珥乎哉應之去士論歸焉林氏世

陳璋字景實晉江人與桂之裔成化丁酉與蔡清同舉于

泉州府志

卷之五十二

明仕蹟

大

鄉學行爲清所重授武康教諭丁外艱服闋補陽山所

至興學課士多士宗之後念母老乞歸養及母歿遂不

出家居授徒守令每造門加禮焉雍正志稿

朱輅字朝用號紫庵晉江人都憲鑑孫襲祖蔭入監讀書

成化閒歷任湯溪昌化鉛山從化各縣令皆有惠政能

詩文公暇手不釋卷筆不停揮人謂克紹祖德云朱氏世

葉錄同安人成化戊戌歲貢爲常山開化二縣縣丞在開

化興文學除奸豪門廡肅然公退則荷耒耜疏編竹爲

器身農園事每食一蔬而已察政方豪者其郤內縉紳

訪其廨出王瓜青榴及閭中橫柳共延欸民號爲一葉
側仕終感恩知縣名山

葉蕩字仕堯同安人宏治壬子舉人父錄以貢仕感恩知

縣蕩令餘干不數月令行禁止無敢墮惠澤者有監司

倨視諸令至蕩改容禮之以艱歸服除補新興令閩書

楊舜字世柔號可齋同安翔風里楊江人習法律補邑樣

部試異等宏治六年赴選告降得上高典史清白自持

苞苴不入邑豪有廖姓橫暴鄉里人發其不法三十事

罪至死當道檄舜訊鞠執法不稍貸邑豪伺閒夜投白

泉州府志 卷之五十二 明仕蹟 九

金三百求免舜白令發其私令憚避姑召其人還其金

又捐一年僱役錢造橋梁以渡行人督賦不受私民無

敢通強盜王宏久爲民患捕而戮之民患以除嘗逐林

行遇盜知爲舜不忍殺在官六年署篆二年俸資外無

餘取屢引疾當事賢之不忍舍懇至泣下乃許之正德

二年致仕歸途中見一男子爲雪凍硬執杖倚石目能

視而口不能言舜讓籌至浦城活之始知爲漳人爲尋

其伴而查之是夜忽盜起民各自救夫馬乏人漳人囑

其伴自併其担擡舜及代負行裝過浦城嶺而免焉人

謂陰陽之報既抵家絕迹城市遇萬壽飾衣冠望闕拜

賀武廟崩製衰服哭臨祠堂盡哀三日建祠宇置祭田

率族人以禮祭祀忠孝兩盡可謂一鄉善士矣同邑林

希元爲之傳採林次 崖文集

吳璽字秉信號恆菴晉江後安人徙居城南崇陽門十二

歲而孤勵志積學精於春秋宏治乙卯舉人授餘杭教

諭遷紹興府教授所至條約嚴整以正作人如方雲鵬

田麟趙蘭皆出其門甲子分校廣東所取士若祈敕祈

孜梁希鴻蔡長宜沈文昇彬彬稱盛擢貴縣知縣兵民

泉州府志 卷之五十二 明仕蹟 三

猗獐雜處璽忠信慈惠董之以威齊之以禮不四載教

化大行民夷戴德有上官責望過峻遂棄官歸結室城

西中一草亭環植花卉悠然獨坐郡邑長莫見其面暇

則與田南山李竹坡諸君登高臨流飲酒賦詩如是者

二十八載疾革謂諸子曰吾生平無他長惟廉恥二字

不敢少放其勉承之卒年七十九採願新 山集

劉椿字才成號浩齋安溪人春胞弟善屬文由歲貢入國

子監選四川芒部軍民府經歷安溪志

李貫字志道號紫崖晉江鳳池人宏治乙卯舉人壬戌進

士選翰林院庶吉士授禮科給事中奉勅清理兩廣邊餉事竣歸省丁外艱起補兵科給事中兩在諫垣所條陳皆明白慷慨武宗登極奉節冊立占城賜一品服以行次濟寧劉冠難作賈不爲屈

事聞復

賜服帶

未幾丁內艱服闋赴京

未補卒年四十六無嗣以從子會爲嗣後會多過失妻賈氏奏立從子著貴長身玉立奇節疎韻博瞻之學宏達之識正直之氣縉紳交相推重未及大用而歿人咸惜之

李氏家傳

泉州府志

卷之五十二

明仕蹟

王

陳謙字德光號益齋安溪人幼聰慧知讀書偶對能作警語垂卅卽以所業顯于時宏治壬戌歲貢卒業胄監謁選授武進縣丞以軍功陞南城兵馬司副指揮秩卑而務叢下撓上責旁午錯出謙批卻導欵動中節會復佐以廉白事皆辦理屬巨璫黨熾熾屋脅抑使撓法中人謙不爲動孫言危守棘棘不阿會巨璫中有知謙者常庇之得不害誤逮赴獄白出之第劬于職日就尫瘠乃奮然曰吾家萬山中固樂土也何僕僕塵鞅爲遂告歸謙能詩在京嘗與邱養浩相唱和臨別有詩贈之復預

擬至家將營兆以厝其妻江氏而盧左爲已生壙請養浩爲之誌

邱集齋集
安溪志

莊琦字元美號梅峯晉江青陽人宏治甲子與從兄晉陽同舉鄉薦正德開授廣州府通判語張岳曰吾乃書生初試吏部卽以一州十二縣財賦倚辦於我將何如使上不吾疑下不吾欺民於我無怨言而事卒辦則可岳應之曰公有此心則公之所慮者免矣至則冰蘖自矢如法徵輸後以趨走拜跪間失意直指陰使人伺察其行事吹毛求疵中以飛語或有勸其自辯者琦曰吾有

泉州府志

卷之五十二

明仕蹟

王

九十老母常恐不得相見且吾亦老矣安能更折節爲人役遂不辯而歸琦伉直自信負志氣不肯苟下於人又不肯爲阿媚軟熟態以激譽上下其臨官行事一以誠實節簡而目疎不設機穽不設町畦故不悅者以是媒蘖其短而廣州人皆稱其能且以不辯而歸爲難也歸二年卒年五十一子壬春嘉靖戊子己丑聯第進士亦仕廣州推官歷嚴州府知府

採小山類稿

柯信字汝充號容菴南安人以貢入南監領宏治甲子鄉薦教諭永新陞溫州教授適庠生李如山爲勢家所壓

信代辯枉詞頗厲督學怒呵之徐步出即棄官歸諸生攀留至有淚下者信曰本激湍波平處歇鷗眠水上靜中閒吾歸爲老農足矣雞肋何爲旣而如山宛白兩院廉其賢趣復任信辭疾不赴溫郡學祀名宦泉守高越造廬謁之微示意將爲信地信佯爲不省竟不答拜子元應舉人元登贈戶部郎孫有斐

南安志

黃綬字元璽號東峯晉江人永曾孫受易於蔡清折衷傳義時有所得卽手識之與人交洞見肺腑議論世務援古証今懸合事宜凡冠婚喪祭必稽古禮不隨時俯仰

泉州府志

卷之五十二

明仕蹟

三

人以太古號焉宏治乙丑以歲貢授肇慶府訓導清脩律已振立師範門人僚友拭目就規矩士習丕變檄署高明高要學事教規如肇慶以聲望擢陽朔教諭地陋民醜土風不振爨而約之漸知自勵科第不乏丁外艱歸哀毀備至葬事獨任之不問昆弟祖屋敝且棄伯仲力不能支綬以源本之基不欲外徙極力圖存伯兄疾革囑其子曰有不測須禮于正寢仲氏落實居之食之又遣子光慶時省之其天性友愛類如此泣家嗃嗃雖燕居必以禮諸子環立儼然終日無敢懈服除補萬載

教諭以疾卒于京年六十有二子光昇孫喬棟

採輯新山文集

李亮字文誠安溪人家貧嗜學事親盡孝邑令以孝友書

于旌義亭由歲貢授教潮陽調四明陞淮府紀善一日

王世子戲其鬚輒正色拂袖引疾歸進階長史淮王賜

之詩云論道經邦得老成年華驚見鬢絲盈卽園思切

三章疏魚水難禁十載情酒熟山中應索醉鷗閒海上

可無盟明朝遣問須經對莫使江都獨擅名居家絕跡

公門士論高之年八十五卒祀名宦鄉賢

閩書李氏家傳

莊安期字際休又字靜夫號純齋晉江青陽人爲諸生文

泉州府志

卷之五十二

明仕蹟

四

義恢放能自立言而濟以該涉不安陋守故以貢授新會訓導以身任教整齊科條鼓厲意氣品隲文字第其高下皆心服敷揚經旨援据剖剝尤動人聽新會方有陳白沙之學士皆獲聞高明之要然不敢忽安期之言咸曰師命我矣善識士於未聞而時恤其私鄧公文憲其尤注意者廣中大吏咸知其賢九年秩滿思歸投牒請老祿餘得數十金不市廣物貯一囊歸授諸子作供具與族弟教授榮知縣晉陽通判琦知府科擢遊對酒自況二疏焉年六十八卒孫國禎

採輯新山文集

徐廷輔字弼卿惠安人生有奇童稱百家子史過眼輒成

誦讀成均授贛州通判贛撫江右按嶺表局煩任艱廷

輔一操易簡獨守正不阿中忌者改教授韶州日與諸

生切劘文藝士類翕然三載調補王官告歸

惠安志

吳申南安人宏治中歲貢正德間授諸暨縣丞赴任時與

新授臨安令同舟陳中途病歿行李蕭然爲經紀其喪

不責償邑令以武宗南巡趨事申署邑篆二載脩廢剔

弊抑強裁例諸興革靡弗舉餘姚尚書王華贈詩曰當

道有時稱鐵漢富家無地役錢神仁和邵銳亦推重之

泉州府志

卷之五十二

明仕蹟

三

卒以拙於諧世歸諸暨志稱其佐政公勤後令朱廷立

從輿論祠之名宦會孫澧

閩書參南安志

張良寶初名文會字廷際號南圃晉江人力學不售因改

業以圖祿仕銓授吳江縣典史邑號富劇而佐理有餘

邑長開州王公一以政委之郡守天水胡可泉英察難

事倚之如左右手郡屬邑令皆甲第名流其所編徭冊

民屢懇不能定胡公盡以委寶比冊出無復愬者督賦

不急不弛常先他邑辦集有巨姓逋租萬斛重賂求緩

麾去之治之益急舟運糧載一朝而逋畢輸以敏慎仁

恕屢受臺獎而厄於卑位不能薦擢御史高世魁直諫

忤旨就所部逮赴詔獄屬吏憚法避去寶獨周旋其間

諸屬皆義而愧之滿考值次子志選嘉靖戊子己丑聯

捷進士卽棄官歸志選令諸暨遷戶部郎出知常州府

政業卓異皆寶之教嘗視子于常州道出吳江老稚迎

觀追送謂自寶去後無尉賢如寶者在郡卽值蘇州海

上三家寇作吳中皆警督府檄志選事謀兵事實密授

方略冠平論功志選爲最寶亦還家舟次錢塘忽一人

叩牕入懷五百金爲謝驚問之曰常州民某獄冤數年

泉州府志

卷之五十二

明仕蹟

三

得太守辯白以此爲銜珠之報寶峻却之良寶未仕卽

躬行孝弟率族睦里大書忠孝勤儉于祠堂梓祖訓以

誠子姓撫姪如子追遠盡誠張氏一門殆百雍睦如一

家致仕後受封榮貴垂三十年益自歛抑敦親篤故未

嘗以聲色加人置學田作書舍以課子孫割已田以充

祀田有司屢延爲鄉飲大賓平生無病忽遽疾家人請

禳之不許幼孫或誦禱爾于上下神祇以爲諷寶曰汝

未讀下文耶卒年八十五王慎中爲之誌

王慎中集

蔡瀚晉江人清之從弟以吏員爲景州州判清苦愛民上

官刮目敬重民稱青天隆慶志

陳煒字孟照惠安人睿孫正德丁卯舉人銓常山知縣裁冗費除狡猾立矯時弊起循良聲以卓異賜宴遷溫州府通判治如常繼陞上石西州守告歸囊橐蕭然非公事不入城府無親疎老少至誠處之弟煌曲靖知府輝翁源知縣併煒為知州時稱陳氏三牧閩書叅惠安志

陳煌字仲熙惠安人少聰穎而孝友斤斤天植正德丁卯與兄煒同領鄉薦授南京工部司務轉員外郎晉郎中遇督大工提攝得宜嘉靖改元永嘉張平敬議大禮欲

泉州府志

卷之五十二

明仕蹟

七

追尊所親數強煌同上疏煌執不從拜守思南丁內艱補曲靖守郡故簡僻當路促稅旁午調停無擾秩滿解組垂窳歸居家十五年與兄煒弟輝相追隨到老彌篤兄弟相敬如賓孫鍾璫已卯鄉薦惠安志

楊孟洪字裕卿號楓山晉江人從虛齋講易得其微旨正德丁卯領鄉薦授寧州學正推師傳以教人無不信服擢國子監助教甫一年以父足疾乞歸起補原官六年奏補德府右長史王聽用其言府事多所釐正轉左長史年已六十餘屢求歸王留再三固辭乃得請始虛齋

門下士無慮百十人獨愛洪言辭容止謂他日必能為

政後所至皆以溫恭詳欵為人愛重事有難處質之剖畫咸中肯綮自處事亦周回謹重無拂於理而後行故事鮮有敗尤仗義能濟人急丁卯赴秋試有漳士道死而無殯資者時鬱熱其敢視躬為殯殮捐資遣歸在江西時寧庶人方起獄擠鄭山齋以南昌教授王暉亦莆人也並擠之禁絕往來孟洪常使人問視暉家周旋如平時人稱長者晚作別墅於楓山有終焉之志卒年六十有九採小山類稿

泉州府志

卷之五十二

明仕蹟

天

黃驥字德倫號梅莊同安人能詩正德初任崇明縣典史至誠事上寬仁莅民臨事善斷以廉幹著聲陞句容主簿採崇明縣志

李埤字獻忠晉江人正德三年進士官終僉事王慎中祭之文曰肆公之學鈞深探賸孔孟微言義文與畫宿師積疑渙然冰釋虛齋先正教人以易公早及門途叅所得師承原本文有法式師所著書公廣其刻傳于西人施及遐邇肆公之政善斷能聽始評棘寺讞審銜鏡色詞有稽徵以法令陟為蜀臬風裁獨正繩奸摘隱節剝